

Uuktulaaqik nutaqiqijutinik ikayuuhianik ihuaqutikhaniklu?

Uuktulaatutit nutaqiqijutinik ikayuuhianik ihuaqutikhanik munaqtiuluaruvit nutaqamik iglumiuaqtikhanik. Munaqtiulaq unaulaaqtuq nutaqap maamaa, aapaa, ataatagiaga, aalaluniit ilagiini ilauyuq.



Nutaraq munariyat?

Uuktujavutit nutaqiqijutinik ikayuuhianik nutaqaq inuukpat, nutaraqluniit iglumiuaqtigilirukni. Uukturiagani Kanatami nutaqiqijutinik ikayuuhianik atiliuqlugulu nutaqat nutaqatiluniit GST/HST-mi ihuaqutikhanik, uvugaujavugit Maniliqijutiga iniqtiqluguluniit Makpiraaq RR66-guyuq, Kanatami Nunaqiqijutinik Ikayuuhianik Uuktuut.



Nutaraq munarihuiqat?

CRA-kut qilamik qauyipkajavatit atugitaagani avatqujutit akiliutini tuukhiutilu utiqititaagani ilaganik ikayuuhianiyaaqit. Qauyipkalaaqtaptigut uvuuna Maniliqijutipkut hivayaqlutiluniit **1-800-387-1193** mut. Hivayaruvit 867-mit nunami nahaunmit, hivayajavutit **1-866-426-1527** mut.



Aulaqtiraaqa munariqatiriigut?

Munariqatiriigutit atuliqaqtut nutaraq iglumiuaqtigigukni napaani pivikhaqaqanigani. Aulaqtiriarukni ihulitkukniluniit munariqatiriigut nutaqamik, qauyipkaqniaqaqtigut uvuuna Maniliqijutipkut hivayaqlutiluniit uvuga **1-800-387-1193** mut. Hivayaruvit 867-mit nunami nahaunmit, hivayajavutit **1-866-426-1527** mut.

Qanuq akituniganik pinialuaqit atuni ukiumi?



Kanatami nutaqiqijutimi

Ikayuuhiat – Uvuga:
\$7,437* atuni nutaraq nukaqhiuyuq 6-nit ukiuqaqtunik
\$6,275* atuni nutaraq 6-mit 17-mut ukiuqaqtunik



GST/HST-mit ihuaqutikhaq –

Uvuga:
\$821* atautimi ilaulaaqtumik inukmit atauhiqmik nutaraqaqtumik
\$992* ilaulaaqtumik inuuaqtiriikni maluknik nutaraqaqtumik



Nuqaraq timimigut ayuqhautiqaqat ikayuuhiaq –

Uvuga
\$3,173* atuni nutaraq ilaulaaqtuq uvani timimigut ayuqtautiqatutunik itkamtaksiliqijutimi ihuaqutimi

*Akitunig titiraqhimayut atuqniqaqtut uvuga Imaruqtirvia-mut 2024-mi.



Itkamtaksitit iniqpaklugit tikitinagu Qittiqqautijuq 30 aipagutuaraagat, manikhaatit taksiiyautini aturiaqaginiqata manikhaginiruviluniit



Nanminik hivunihijutigiyatit nutaunihauliqaqtugit, ila imaitut:

- inuuaqtiaqaniruvit qanuq
- nayugaa
- maniliqijutimi naunaipkutuluat



Pihimavit inayuuhianik ihivriuniganik titiqamik CRA-kunit?

Naunaqhitiariaqaqtutit ilvit munaqtiuluaqniqnik nutaqanik munaqtaqnik. Pipkajavutit tamainik hivunihijutuinik tuukhiqtauyunik taima ikayuuhiatit nuutqagitaagani.

Pihimagitpigut makpiraat pivikhaqatiriatiluniit? Hivayajavutit CRA-kunit uvani **1-800-387-1193** mi. Hivayaruvit 867-mit nunami nahaunmit, hivayajavutit **1-866-426-1527** mut.

Piyumavit hivunihivaalirutikhanik?

Hamungaulutit canada.ca/benefits-credits-info

